



17-02-2023

Broj: 14-02-04-00075/23
Sarajevo, Februar 16.2023. godine

17-02-2023
KANTON SARAJEVO

SKUPŠTINA KANTONA SARAJEVO
(Na pažnju predsjedavajućeg Elvedina Okerića)

PREDMET: Odgovor na zastupničku inicijativu Danijele Kristić, **dostavlja se;**

VEZA: Zastupnička inicijativa, broj: 01-04-51520-33/22 od 28.12.2022.godine

Vašim aktom broj i datum veze, zaprimljen dana 04.01.2023. godine, dostavili ste na nadležno postupanje Kantonalnoj upravi za inspekcijske poslove Kantona Sarajevo zastupničku inicijativu zastupnice Danijele Kristić, a koji glasi:

"Molim Kantonalnu upravu za inspekcijske poslove za izvrši nadzor u vezi sa pomorom ribe u rijeci Zujevini, kao i nadzor pravnih lica, privrednih subjekata čiji bi proizvodni procesi mogli biti uzrokom pomora.

U nadzoru molim da se provjere da li pravna lica imaju potrebne vodne dozvole, kao i da li ispunjavaju ostale potrebne zakonske uslove."

U skladu sa prethodno navedenim, obavještavamo Vas da pod pretpostavkom da je inicijativa upućena na osnovu objave na portalu www.klix.ba od 25.12.2022. godine pod naslovom "Pomor ribe u rijeci Zujevini kod Blažuja, vrane odnose plijen", te da se iz objavljenog teksta i priloženog video zapisa nije mogla precizno zaključiti lokacija u Blažuju gdje je isti snimljen, nadzori su vršeni počevši od subjekta na adresi Mali Kiseljak bb, opština Ilidža, pa uzvodno prema izvorištu u naselju Pazarić, opština Hadžići, kao i na lijevim (Rakovica, Trnava, Vihrica i Pazarić potok) i desnim (Žunovnica, Krupa, Ljubovčica) pritokama rijeke Zujevine.

Vodna inspekcija sprovodi inspekcijske nadzore u skladu sa ovlaštenjima propisanim Zakonom o vodama ("Službene novine F BiH"; 70/06) i Zakonom o vodama ("Službene novine Kantona Sarajevo", br. 18/10, 43/16, 44/22). Kontrola ispuštanja tehnoloških otpadnih voda je, shodno članu 139. Zakona o vodama ("Službene novine FBiH", broj 70/06), u nadležnosti Federalne vodne inspekcije te je predmetna zastupnička inicijativa, shodno članu 65. stav 4. Zakona o upravnom postupku ("Službene novine FBiH", br. 2/98, 48/99), proslijeđena i Federalnoj vodnoj inspekciji na znanje i nadležno postupanje.

Na gore navedenoj lokaciji, a u blizini vodotoka, svoju djelatnost obavlja oko šezdeset (60) pravnih lica od kojih je većina i ranije bila kontrolisana u redovnim nadzorima vodne inspekcije. Odvodnja

otpadnih voda na tom području je omogućena priključkom na javnu kanalizacionu mrežu odnosno na glavni kolektor Bjelašnica – Butile.

U periodu 12.01.2023. - 08.02.2023.godine izvršena je kontrola petnaest (15) pravnih lica, a koja nisu ranije bila kontrolisana u redovnim nadzorima. Za šest (6) pravnih lica je rješenjima vodnog inspektora naloženo pribavljanje vodne dozvole za snabdjevanje vodom i ispuštanje otpadnih voda u ostavljenom roku od strane nadležnog Ministarstva privrede Kantona Sarajevo shodno članu 63. Zakonom o vodama ("Službene novine Kantona Sarajevo"; 18/10, 43/16, 44/22).

U slučajevima kada u toku nadzora kantonalni vodni inspektor utvrdi da subjekt nadzora obavljanjem svoje djelatnosti vrši produkciju tehnoloških otpadnih voda, a nije ishodovao vodnu dozvolu za čije je izdavanje nadležna Agencija za vodno područje rijeke Save, shodno članu 139. Zakona o vodama ("Službene novine FBiH", broj 70/06), informaciju prosljeđuje Federalnoj vodnoj inspekciji na znanje i nadležno postupanje.

Potrebno je naglasiti i činjenicu da se uz rijeku Zujevinu pruža regionalna cesta čije se oborinske vode slivaju u vodotok. Oborinske vode sa novoizgrađene autoceste i pristupne petlje, takođe se, odvodnim kanalima dovode u vodotoke (u Vlakovu i Rakovici). Ove oborinske vode mogu, u slučaju nekog incidenta na cesti, biti onečišćene štetnim ili opasnim materijama, te će vodna inspekcija u narednom periodu poduzeti zakonom propisane mjere kod pravnih lica nadležnih za upravljanje i održavanje ovih cesti.

Takođe u razgovoru sa građanima Blažuja čiji su stambeni objekti uz samo vodno dobro rijeke Zujevine isti inspektor izjavljuju da se na tom dijelu vrši krađa sitne ribe na način da se postavljaju zamke u obliku velikih izbušenih kanistera sa hranom koja služi kao mamac. Tako uhvaćena sitna riba se dalje prodaje ribolovcima kao mamac za krupnu ribu na drugim ribolovnim područjima. Dešava se da se tako uhvaćena sitna riba iz određenih razloga uguši i uquine u kanisterima te da bude jednostavno bačena u vodotok pa se na taj način stiče dojam "pomora ribe". Ova informacija je usmenim i pismenim putem prosljeđena na znanje i postupanje predsjedniku i ribočuvaru nadležnog Udruženja SRD "Ilidža" koje upravlja ovim ribolovnim područjem.

Inspeksijski nadzori kod ostalih pravnih lica koja svoju djelatnost obavljaju na predmetnom području se nastavljaju planiranom dinamikom u narednom periodu.

Dostavljeno:

1. Naslovu
2. Premijer Vlade Kantona Sarajevo
3. Sekretar Skupštine Kantona Sarajevo
4. Sekretar Vlade Kantona Sarajevo
5. a/a

V.D. DIREKTOR

Adis Mešić